



Na osnovu člana 17. tačka 22. Zakona o Visokom sudskom i tužilačkom vijeću Bosne i Hercegovine („Službeni glasnik BiH“, br. 25/04, 93/05, 48/07, 15/08, 63/23 i 9/24), člana 24. Kriterija za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine („Službeni glasnik BiH“, broj 90/24), člana 47. Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u Bosni i Hercegovini („Službeni glasnik BiH“, br. 90/24), člana 38. Kriterija za ocjenjivanje rada tužilaca u Bosni i Hercegovini („Službeni glasnik BiH“, br. 90/24), člana 12. Pravilnika o postupku ocjenjivanja rada nosilaca pravosudnih funkcija („Službeni glasnik BiH“, br. 28/24)“, Visoko sudsko i tužilačko vijeće Bosne i Hercegovine je, na sjednici održanoj 09. i 10.04. 2025. godine, usvojilo

U P U T S T V O

za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini

POGLAVLJE I – OPĆE ODREDBE

Član 1.

(Cilj)

Cilj donošenja Uputstva za primjenu kriterija za ocjenjivanje rada nosilaca pravosudnih funkcija u tužilaštvima u Bosni i Hercegovini (u daljem tekstu: Uputstvo) je da se osigura da ocjenjivači u svim tužilaštvima na jedinstven način primjenjuju Kriterije za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine, Kriterije za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u Bosni i Hercegovini i Kriterije za ocjenjivanje rada tužilaca u Bosni i Hercegovini u tužilaštvima u Bosni i Hercegovini (u daljem tekstu: kriteriji), odnosno da se osigura okvir da ocjenjivači provedu adekvatnu analizu rada ocjenjivanih tužilaca i potpuno dokumentuju sa relevantnim informacijama i pokazateljima svoje zaključke na osnovu kojih je izvršena dodjela bodova tužiocu po pojedinačnim elementima ocjene rada.

Član 2.

(Shodna primjena)

Ukoliko u pojedinim odredbama ovog Uputstva nije izričito propisano da se te odredbe primjenjuju i na ocjenjivanje rada glavnih tužilaca, zamjenika glavnih tužilaca i šefove odjela u tužilaštvima, ocjenjivač će shodno primijeniti te odredbe na ocjenjivanje rada nosilaca navedenih pravosudnih funkcija u tužilaštvu, a u vezi sa odgovarajućim odredbama kriterija.

Član 3.

(Ocjenjivač)

(1) U slučaju da je glavni tužilac čiji se rad ocjenjuje obavljao drugu dužnost nosioca pravosudne funkcije u tužilaštvu u toku većeg dijela perioda ocjenjivanja, ocjenjivač ocjenjuje rad glavnog tužioca shodno članu 4. stav (1) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH, odredbama člana 17. i 31. Kriterija za ocjenjivanje rada tužilaca u BiH i dijelu II. (Posebni slučajevi obračuna norme) Instrukcije u vezi sa Pravilnikom o orijentacionim

mjerilima za rad tužilaca u tužilaštvima u BiH i Uputstvom za primjenu Pravilnika o orijentacionim mjerilima za rad tužilaca u tužilaštvima u BiH.

(2) U slučaju da je nosilac pravosudne funkcije čiji se rad ocjenjuje obavljao dužnost glavnog tužioca i drugu dužnost nosioca pravosudne funkcije u istom tužilaštvu u podjednakom trajanju u toku perioda ocjenjivanja, ocjenjivač ocjenjuje rad ocjenjivanog nosioca pravosudne funkcije shodno članu 5. stav (3) Kriterija za ocjenjivanje rada tužilaca u BiH.

Član 4.

(Objektivnost i nepristrasnost ocjenjivača)

(1) Ocjenjivač je odgovoran za tačnost podataka i objektivnost ocjene, kao i za provođenje postupka ocjenjivanja u skladu sa kriterijima, Pravilnikom o postupku ocjenjivanja rada nosilaca pravosudnih funkcija, ovim Uputstvom, tabelama za obračun godišnjih pojedinačnih i kolektivnih radnih rezultata u tužilaštvu i drugim relevantnim propisima VSTV BiH.

(2) Ocjenjivač je dužan da osigura da se dodjela bodova po kvalitativnim elementima ocjene rada glavnog tužioca, zamjenika glavnog tužioca, šefa odjela i tužioca, temelji na odgovarajućoj analizi i obrazloženju podataka, koji se preuzimaju iz relevantnih izvora informacija i zaključaka ocjenjivača o ostvarenim radnim rezultatima ocjenjivanog nosioca pravosudne funkcije i tužilaštva u toku perioda ocjenjivanja, i unose u odgovarajuće obrasce predviđene kriterijima za:

- a) Analitičku ocjenu kvaliteta rada;
- b) Organizaciju i rukovođenje radom tužilaštva i odjela;
- c) Nesavjesno postupanje tužioca u radu.

(3) Stalna komisija za efikasnost i kvalitet tužilaštava VSTV BiH po potrebi traži i razmatra pojašnjenja od ocjenjivača za provedenu dodjelu bodova po elementima ocjene rada iz stava (2) ovog člana, a imajući u vidu raspoložive informacije o radu ocjenjivanog tužioca i tužilaštva, kako bi se osigurala jedinstvena i pravilna primjena kriterija, naročito u slučaju dodjele najvećeg predviđenog broja bodova za navedene elemente.

Član 5.

(Izveštaj ocjenjivanog tužioca)

(1) Ocjenjivani tužilac će sačiniti izvještaj iz člana 8. stav (1) Kriterija za ocjenjivanje rada tužilaca u BiH, na način da u tački a) u obrascu koji propisuje VSTV BiH opiše svoje aktivnosti iz perioda ocjenjivanja za koje smatra da su od posebnog značaja za ocjenjivača u postupku ocjenjivanja njegovog rada.

(2) Ocjenjivani tužilac će u tački b) u obrascu izvještaja iz stava (1) ovog člana iznijeti sumarnu procjenu sopstvenog rada prema elementima ocjene rada iz člana 17. stav (1) Kriterija za ocjenjivanje rada tužilaca u BiH, uz navođenje informacija i razloga na kojima se zasniva ta procjena, a za koje smatra da su od posebnog značaja ocjenjivaču u postupku ocjenjivanja njegovog rada.

(3) Ocjenjivani tužilac će u tački c) u obrascu izvještaja iz stava (1) ovog člana navesti informaciju, odnosno poslovni broj predmeta, koji je on odabrao kao izvor informacija za analitičku ocjenu rada u skladu sa članom 24. Kriterija za ocjenjivanje rada tužilaca u BiH. Poslovni broj odabranog predmeta i datum dostavljanja informacije glavnom tužiocu o poslovnom broju tog predmeta, ocjenjivani tužilac navodi u tački c) obrasca izvještaja iz stava (1) ovog člana i u slučaju da je pomenutu informaciju dostavio glavnom tužiocu prije podnošenja ovog izvještaja.

Član 6. (Razgovor)

(1) U skladu sa članom 8. stav (4) Kriterija za ocjenjivanje rada tužilaca u BiH, glavni tužilac će obaviti razgovor sa ocjenjivanim tužiocem u vezi sa elementima ocjene njegovog rada, prema odredbama člana 17. Kriterija za ocjenjivanje rada tužilaca u BiH, na osnovu uvida u izvještaj ocjenjivanog tužioca iz člana 8. stav (1) Kriterija za ocjenjivanje rada tužilaca u BiH, mišljenje zamjenika glavnog tužioca iz člana 25. Kriterija za ocjenjivanje rada tužilaca u BiH, statističke podatke, druge raspoložive izvore informacija o radu ocjenjivanog tužioca, kao i eventualno u pogledu drugih aspekata rada ocjenjivanog tužioca (napredovanje u radu, etika, obuka i dr.).

(2) Izvori informacija iz stava (1) ovog člana će se dostaviti ocjenjivanom tužiocu najkasnije 5 dana prije obavljanja razgovora.

(3) O obavljenom razgovoru će se sastaviti zapisnik na obrascu koji propisuje VSTV BiH. Zapisnik će se uložiti u dosije ocjenjivanog tužioca i dostaviti ocjenjivanom tužiocu i zamjeniku glavnog tužioca najkasnije 5 dana nakon obavljenog razgovora.

(4) Informacije unesene u zapisnik iz stava (3) ovog člana koristit će se u vezi sa provođenjem postupka ocjenjivanja rada i eventualno za druge svrhe, kao što su donošenje odluke o rasporedu tužilaca, utvrđivanje potreba za obuke tužilaca i slično.

POGLAVLJE II – ELEMENTI OCJENE RADA

Član 7. (Opravdani razlozi za neispunjenje godišnje norme – Nedovoljan broj predmeta za ostvarenje godišnje orijentacione norme)

(1) U slučaju da postoje indikacije da jedan ili više tužilaca u određenoj kalendarskoj godini ne mogu ostvariti propisanu godišnju orijentacionu normu zbog nedovoljnog broja predmeta dodijeljenih u rad, ocjenjivač utvrđuje najkasnije do 30.09. u toku perioda ocjenjivanja, da li postoji osnov za primjenu člana 20. stav (2) Kriterija za ocjenjivanje rada tužilaca u BiH, na način da ocjenjivač osigura da se pripremi obračun ostvarene godišnje orijentacione norme u vrijeme donošenja navedenog zaključka, kao i da ocjenjivač donese procjenu ukupnog ostvarenja godišnje norme u periodu ocjenjivanja, uzimajući u obzir prilikom donošenja te procjene i broj predmeta koji ne mogu biti riješeni u periodu ocjenjivanja, s obzirom na vrijeme njihovog zaprimanja u tužilaštvo, kao i druge predmete na koje se primjenjuje član 20. stav (4) Kriterija za ocjenjivanje rada tužilaca u BiH.

(2) Ukoliko utvrdi da postoji osnov za primjenu člana 20. stav (2) Kriterija za ocjenjivanje rada tužilaca u BiH, ocjenjivač će dostaviti tužiocima iz stava (1) ovog člana, VSTV BiH i neposredno višem tužilaštvu obrazloženu informaciju najkasnije do 15.10. u toku perioda ocjenjivanja, sa naznakom da će ocijeniti rad jednog ili više tužilaca na posebnom obrascu koji propisuje VSTV BiH.

(3) Ocjenjivač će bez odlaganja po isteku perioda ocjenjivanja, za tužioce koji su navedeni u informaciji iz stava (1) ovog člana, donijeti odluku o izuzimanju određenih neriješenih predmeta iz obračuna njihovih rezultata prema procentu riješenih predmeta u skladu sa članom 20. stav (4) Kriterija za ocjenjivanje rada tužilaca u BiH, na osnovu uvida u informacije o pojedinačnim neriješenim predmetima na kraju perioda ocjenjivanja, uzimajući u obzir sljedeće okolnosti: opterećenost ocjenjivanog tužioca u radu na predmetima (broj predmeta u zaduženju u periodu ocjenjivanja), vrijeme zaprimanja predmeta u tužilaštvo, zakonske i optimalne rokove za rješavanje predmeta i stepen ispunjenosti obaveze uzimanja predmeta u rad po starosti inicijalnog akta. Ocjenjivač će dostaviti tužiocima informaciju o neriješenim predmetima koji su izuzeti iz obračuna procenta riješenosti predmeta, prije nego što se finalizuje godišnji izvještaj tužilaštva u tabeli iz stava (4) ovog člana.

(4) Ocjenjivač je dužan da osigura da se u tabeli za obračun pojedinačnih i kolektivnih radnih rezultata u tužilaštvu za tužioce navedene u informaciji iz stava (1) ovog člana iskazu podaci o ostvarenoj godišnjoj normi i procentu riješenih predmeta u periodu ocjenjivanja u skladu sa članom 20. stav (3) Kriterija za ocjenjivanje rada tužilaca u BiH, odnosno da se ti podaci za navedene tužioce u postupku ocjenjivanja, bez izmjena, unesu u posebni obrazac za ocjenjivanje rada iz stava (2) ovog člana.

(5) Ocjenjivač shodno primjenjuje član 7. stav Uputstva, u vezi sa članom 31. stav (4), (5) i (6) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH, ukoliko postoje indikacije da tužilaštvo, odnosno tužilački odjel, nije imalo u radu dovoljan broj predmeta za ostvarenje propisane kolektivne orijentacione norme u određenoj kalendarskoj godini.

Član 8.

(Ostvarenje ažurnosti i efikasnosti za tužioce entitetskih tužilaštava)

(1) Za tužioce u Federalnom tužilaštvu Federacije Bosne i Hercegovine i Republičkom javnom tužilaštvu Republike Srpske, u skladu sa članom 31. stav (1) tačka a) Kriterija za ocjenjivanje rada tužilaca u Bosni i Hercegovini, izuzev tužilaca Posebnog odjela Federalnog tužilaštva FBiH i Posebnog odjela Republičkog javnog tužilaštva RS, glavni tužilac je obavezan da, za svaki pojedinačni predmet koji nije mogao biti riješen u periodu ocjenjivanja, detaljno obrazloži razloge za izuzimanje neriješenih predmeta iz izračuna ostvarene ažurnosti u rješavanju predmeta s obzirom na vrijeme zaprimanja u tužilaštvo.

(2) Obrazloženje iz stava (1) ovog člana uključuje informaciju o iskazanoj dinamici preduzimanja pojedinačnih radnji u predmetu u toku perioda ocjenjivanja u cilju efikasnog okončanja postupka.

Član 9.

(Realizacija plana rješavanja starih predmeta)

(1) Podatak o procentu realizacije Plana rješavanja starih predmeta tužilaca tužilaštvo preuzima iz Izvještaja iz TCMS-a „*Ukupna realizacija plana tužilaštva u zadanom periodu (D/B)*“.

(2) Ukoliko je tužilac zadužen samo sa predmetima koji su uključeni u Akcioni plan rješavanja predmeta ratnih zločina, podatak o procentu realizacije plana za ocjenjivanog tužioca preuzima se iz izvještaja tužilaštva o realizaciji Akcionog plana za period ocjenjivanja.

(3) Procenat realizacije Akcionog plana za rad na predmetima ratnih zločina obračunava se na osnovu podataka o broju planiranih i riješenih KTRZ ili KTARZ ili KTNZRZ predmeta, u zavisnosti od toga po kojoj vrsti predmeta je realizovan veći procenat riješenosti predmeta, odnosno veći procenat realizacije plana za taj izvještajni period.

(4) Ukoliko je tužilac istovremeno zadužen Planom rješavanja starih predmeta i Akcionim planom za rad na predmetima ratnih zločina, procenat realizacije se preuzima iz plana po kojem je tužilac ostvario veći procenat riješenosti predmeta (Plan rješavanja starih predmeta ili Akcioni plan za rad na predmetima ratnih zločina).

(5) Podatak o broju planiranih i riješenih predmeta iz Plana rješavanja starih predmeta i podatak o broju planiranih i riješenih KTRZ, KTARZ i KTNZRZ predmeta ocjenjivač unosi u obrazac ocjene rada. Podaci o broju planiranih i riješenih predmeta iz navedenih planova preuzimaju se iz izvještaja iz stava (1) i (2) ovog člana.

Član 10.

(Mišljenje zamjenika glavnog tužioca)

- (1) Mišljenje iz člana 25. stav (1) Kriterija za ocjenjivanje rada tužilaca u BiH „izuzetno uspješno“ dodjeljuje se tužiocu za svaki pojedinačni element analitičke ocjene rada za koji je zamjenik glavnog tužioca u periodu ocjenjivanja rada utvrdio da nema primjedbi.
- (2) Mišljenje iz člana 25. stav (1) Kriterija za ocjenjivanje rada tužilaca u BiH „uspješno“ dodjeljuje se tužiocu za svaki pojedinačni element analitičke ocjene rada za koji je zamjenik glavnog tužioca u periodu ocjenjivanja rada utvrdio manji broj primjedbi, koje nisu suštinske.
- (3) Mišljenje iz člana 25. stav (1) Kriterija za ocjenjivanje rada tužilaca u BiH „dobar“ dodjeljuje se tužiocu za svaki pojedinačni element analitičke ocjene rada za koji je zamjenik glavnog tužioca u periodu ocjenjivanja rada utvrdio veći broj primjedbi, koje nisu suštinske.
- (4) Mišljenje iz člana 25. stav (1) Kriterija za ocjenjivanje rada tužilaca u BiH „zadovoljava“ dodjeljuje se tužiocu za svaki pojedinačni element analitičke ocjene rada za koji je zamjenik glavnog tužioca u periodu ocjenjivanja rada utvrdio da postoje manji broj suštinskih primjedbi.
- (5) Mišljenje iz člana 25. stav (1) Kriterija za ocjenjivanje rada tužilaca u BiH „ne zadovoljava“ dodjeljuje se tužiocu za svaki pojedinačni element analitičke ocjene rada za koji je zamjenik glavnog tužioca u periodu ocjenjivanja rada utvrdio da postoje veći broj suštinskih primjedbi.

Član 11.

(Algoritam za nasumični odabir predmeta)

- (1) Ocjenjivač vrši nasumični odabir predmeta u TCMS-u, u skladu sa članom 24. Kriterija za ocjenjivanje rada tužilaca u BiH, na osnovu algoritma koji je sastavni dio aplikacije Pravosudnog informacionog sistema.
- (2) Sastavni dio ovog Uputstva su opis algoritma i priručnici za nasumičan izbor predmeta u tužilaštvu.

Član 12.

(Mišljenje Federalnog tužilaštva Federacija Bosne i Hercegovine i Republičkog javnog tužilaštva Republike Srpske)

- (1) Federalno tužilaštvo Federacije Bosne i Hercegovine, odnosno Republičko javno tužilaštvo Republike Srpske će svoje mišljenje iz stava (1) i (2) ovog člana pripremiti izuzetno, za pojedinačni predmet u odnosu na koji je zabilježeno da je postupajući tužilac tužilac kantonalnog, odnosno okružnog javnog tužilaštva u radu na predmetu iskazao izuzetno visok, odnosno izuzetno nizak stepen ispunjenosti elemenata analitičke ocjene iz člana 22. Kriterija za ocjenjivanje rada tužilaca u BiH.
- (2) Ukoliko Federalno tužilaštvo Federacije Bosne i Hercegovine, odnosno Republičko javno tužilaštvo Republike Srpske nije utvrdilo da je ocjenjivani tužilac ostvario rezultat rada iz člana 26. stav (1) Kriterija za ocjenjivanje rada tužilaca u BiH, za takvog tužioca nije potrebno pripremati predmetno mišljenje.

Član 13.

(Izrada analitičke ocjene)

Ocjenjivač će shodno primjeniti član 10. ovog Uputstva prilikom izrade analitičke ocjene za ocjenjivanog tužioca koja je predviđena u odredbama člana 27. i 34. Kriterija za ocjenjivanje rada tužilaca u BiH, a u vezi sa odredbama člana 17. stav (2) tačka c) i 31. stav (2) Kriterija za ocjenjivanje rada tužilaca u BiH.

Član 14.
(Kvalitet optužnica)

Kvalitet odluka tužioca koji radi na maloljetničkom referatu će se utvrditi zbrajanjem podataka o tužilačkim i sudskim odlukama iz člana 28. stav (1) i (2) člana Kriterija za ocjenjivanje rada tužilaca u BiH, ukoliko su se u radu tužioca evidentirane navedene odluke u periodu ocjenjivanja.

Član 15.
(Organizacija i rukovođenje)

(1) Ocjena za organizaciju i rukovođenje radom tužilaštva, odnosno tužilačkog odjela iz člana 37. stav (1) i člana 38. stav (1) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH mora biti obrazložena, na način da se u obrazloženje uključi analiza i pojašnjenje relevantnih statističkih podataka koji su od značaja za ocjenu uspješnosti rada glavnog tužioca, zamjenika glavnog tužioca, šefa tužilačkog odjela u pogledu realizacije obaveza iz oblasti organizacije i rukovođenja radom tužilaštva/odjela.

(2) Ocjenjivač će podatke iz stava (1) ovog člana unijeti u Obrazac broj 12. (Obrazac – Organizacija i rukovođenje radom tužilaštva), odnosno Obrazac broj 13. (Obrazac – Organizacija i rukovođenje radom odjela u tužilaštvu).

(3) Izvori informacija za utvrđivanje ocjene organizacije i rukovođenja radom tužilaštva/odjela:

- a) mišljenje ocjenjivača koje je zasnovano na njegovom nadzoru nad radom kantonalnih/okružnih javnih tužilaštava;
- b) mišljenje ocjenjivača koje je zasnovano na njegovom nadzoru rada ocjenjivanog nosioca pravosudne funkcije;
- c) izvještaji kantonalnih/okružnih javnih tužilaštava dostavljeni entitetskim tužilaštvima;
- d) narativni i statistički izvještaji tužilaštava čije je sačinjavanje i dostavljanje propisano pravnim okvirom VSTV BiH, kao što je izvještaj o realizaciji godišnjeg plana rada;
- e) ostale informacije koje su od značaja za utvrđivanje ocjene organizacije i rukovođenja radom tužilaštva.

(4) Procenat realizacije Akcionog plana za rad na predmetima ratnih zločina na nivou tužilaštva i tužilačkog odjela iz člana 37. stav (1) tačka b) i člana 38. stav (1) tačka b) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH, obračunava se sabiranjem podataka o broju predmeta uvrštenih u plan i riješenih KTRZ i/ili KTARZ i/ili KTNRZ predmeta pojedinačnih nosilaca pravosudnih funkcija u tužilaštvu, odnosno tužilačkom odjelu, u zavisnosti od toga po kojoj vrsti predmeta je ostvaren veći procenat realizacije plana za taj izvještajni period.

(5) Ukoliko je tužilaštvo, odnosno tužilački odjel, u izvještajnom periodu imalo obavezu izrade Plana rješavanja starih predmeta i Akcionog plana za rad na predmetima ratnih zločina, procenat realizacije na nivou tužilaštva se obračunava sabiranjem podataka o broju planiranih i riješenih predmeta iz Plana rješavanja starih predmeta i podataka o broju planiranih i riješenih KTRZ ili KTARZ ili KTNRZ predmeta iz stava (4) ovog člana.

(6) Ocjenjivač će prilikom ocjenjivanja rada glavnog tužioca, zamjenika glavnog tužioca i šefa odjela po parametrima iz člana 37. stav (1) tačka c) – f) i člana 38. stav (1) tačka c) – e) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH, odluku o dodijeli odgovarajućeg broja bodova utvrditi na objektivan način i o tome dati obrazloženje u okviru posebnog obrasca kojeg propisuje VSTV BiH.

(7) Blagovremenom pritužbom u Tužilaštvu Bosne i Hercegovine i Tužilaštvu Brčko distrikta Bosne i Hercegovine, u smislu člana 37. stav (4) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH, smatra se pritužba riješena u roku od 1 (jednog) mjeseca, a najduže u roku od 3 (tri) mjeseca nakon prijema pritužbe u tužilaštvo.

(8) Pritužbe na odluke tužilaca kantonalnih tužilaštva, u smislu člana 37. stav (4) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH, rješavaju se u rokovima koje određuje glavni federalni tužilac u Obaveznom uputstvom o postupku rješavanja pritužbi na naredbe o neprovođenju istrage, naredbe o obustavi istrage, kao i pritužbi zbog neefikasnog i/ili nezakonitog rada tužilaca u krivičnim predmetima.

(9) Pritužbe na odluke tužilaca okružnih javnih tužilaštava, u smislu člana 37. stav (4) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH, rješavaju se u rokovima određenim Zakonom o krivičnom postupku Republike Srpske („Službeni glasnik RS“, br. 53/12, 91/17, 66/18 i 15/21).

POGLAVLJE III – OSTALE ODREDBE

Član 16.

(Posebno bodovanje)

Broj bodova po osnovu ostvarene orijentacijske norme, realizaciju plana rješavanja starih predmeta, odnosno Akcionog plana za rad na predmetima ratnih zločina i konačnu ocjenu rada, se dodjeljuju za višu vrijednost procenta realizacije, odnosno za višu vrijednost zbira ostvarenih bodova, na sljedeći način:

- a) prema članu 19. stav (2) i članu 20. stav (3) Kriterija za ocjenjivanje rada tužilaca u BiH, članu 19. stav (2) i (3), članu 20. stav (3) i (4), članu 31. stav (2), (3) i (4) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH, članu 14. stav (2) i (3) i članu 21. stav (4) Kriterija za ocjenjivanje rada glavnog tužioca Tužilaštva BiH, Federalnog tužilaštva FBiH, Republičkog javnog tužilaštva RS i Tužilaštva Brčko Distrikta BiH ukoliko je vrijednost ostvarene orijentacijske norme za 0,01% ili više veća od procenta ostvarene orijentacijske norme za koju se dodjeljuje manji broj bodova (npr. za ostvareni procenat orijentacijske norme od 80,01% ocjenjivanom tužiocu će se dodijeliti 20 bodova).
- b) prema članu 21. stav (1) Kriterija za ocjenjivanje rada tužilaca u BiH, članu 21. stav (1) i (2), članu 37. stav (3) i članu 38. stav (3) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH i članu 20. stav (3) i članu 21. stav (1) tačka e) Kriterija za ocjenjivanje rada glavnog tužioca Tužilaštva BiH, Federalnog tužilaštva FBiH, Republičkog javnog tužilaštva RS i Tužilaštva Brčko Distrikta BiH ukoliko je vrijednost realizacije plana rješavanja starih predmeta za 0,01% ili više veća od procenta realizacije za koju se dodjeljuje manji broj bodova (npr. za ostvareni procenat realizacije plana rješavanja starih predmeta od 80,01% ocjenjivanom tužiocu će se dodijeliti 8 bodova).
- c) prema članu 35. Kriterija za ocjenjivanje rada tužilaca u BiH, članu 44. Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH i članu 22. Kriterija za ocjenjivanje rada glavnog tužioca Tužilaštva BiH, Federalnog tužilaštva FBiH, Republičkog javnog tužilaštva RS i Tužilaštva Brčko Distrikta BiH ukoliko je zbir bodova ocjene rada za 0,1% ili više veća od zbira bodova ocjene rada za koju se dodjeljuje manja ocjena rada (npr. za zbir bodova od 94,1% ocjenjivanom tužiocu će se dodijeliti ocjena izuzetno uspješno obavlja tužilačku funkciju).

POGLAVLJE IV – ZAVRŠNE ODREDBE

Član 17. (Prestanak važenja)

Uputstvo za primjenu Kriterija za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine, Kriterija za ocjenjivanje rada glavnih tužilaca, zamjenika glavnih tužilaca, šefova odjela u tužilaštvima u Bosni i Hercegovini i Kriterija za ocjenjivanje rada tužilaca u Bosni i Hercegovini, broj 06-09-1-264-3/2023 od 11.10.2023. godine, prestat će važiti nakon što se okonča postupak ocjenjivanja rada za 2024. godinu.

Član 18. (Stupanje na snagu)

- (1) Ovo Uputstvo stupa na snagu danom donošenja, a primjenjivat će se na ocjenjivanje rada nosilaca pravosudnih funkcija u tužilaštvima za 2025. godinu.
- (2) Ovo Uputstvo se objavljuje na internet portalu VSTV BiH.

Broj: 06-09-1-43-3/2025

Sarajevo, 09.04.2025. godine

Predsjednik VSTV BiH
Samir Bogunić

